

呂帝詩集後跋

孚佑帝君詩載入全唐詩者不數首其餘諸刻本及鸞訓所傳外間多不能備茲重訂全書哀而輯之編列成集較別本增十之五六搜擇融洽與道大適所以仰承

帝君度濟無量之恩心版相應固不憚疲於津梁矣志通幸侍

覺壇日聞緒論未能稍窺萬一然斯夕披吟隨所見之淺深測斯道之義蘊兢兢焉弗敢釋每念篆烟徐裊心息俱恬朗月在空虛白生室於詩中之旨口誦而心維可也得言而忘象亦可也九轉大還鼎爐具是特恐鈍根人自泥丹竈非鑿則歧耳太上不云乎道可道非常道名可名非常名知此解者庶幾曰

道藏輯要

後跋

要

室集七
川川三

暮遇之志通弟子程國仁謹跋

